

Perseveransa Asesu ba Protesaun ho Oportunidades ne'ebé Hanesan

Diskursu Sekretaria Estadu ba Promosaun Igualdade Sra. Idelta Maria Rodrigues
iha Selebrasaun Loron Internasional Feto
8 Marsu 2011

Sua exelensia Presidente Parlamentu, Representativu Espesiál Sekretariu Jeral Nasoens Unidas nian, Maun alin inan feton sira: Boa tarde no benvindu mai iha selebrasaun Loron Internasional Feto nian tinan 2011.

Hau kontente haré'e ema barak halibur hamutuk iha fatin ne'e atu selebra loron ida ne'e ne'ebé ita fó nia tema "*Perseveansa ho Asesu ba Protesaun ho Oportunidade ne'ebé Hanesan*".

Tema ida ne'e hili atu selebra ita nian komitmentu hanesan nasaun ida, atu asegura feto iha asesu ba seguransa, justísa, ho liberdade, no mós iha direitu hanesan ho oportunidade hanesan mane iha area hotu-hotu hanesan tomada de desizaun, serbisu decente, saúde ho edukasaun. Pontus hirak ne'e hotu mós refléta iha Deklarasaun Díli ne'ebé asina iha tinan rua liuba husi representativu Governu nian, Parlamentu, ho sosiedade sivil.

Pontus husi Deklarasaun Díli nian tenki sai buat ruma ba ita hotu-hotu, feto ha mane hotu-hotu tenki hatene kona-ba sira nian moris loro-loron, iha ne'e no mós iha distritu hotu-hotu. Hamutuk ita tenki luta atu atinje ita nian komitmentu atu promove igualdade jéneru iha ita nasaun laran tomak.

Problemas hirak ne'ebé temi iha leten refléta iha Komisaun kona-ba Status Feto nian iha Nova Yorke, ne'ebé hau representa Timor-Leste semana liuba. Tema prioritáriu husi CSW mak: Asesu ho partisipasaun feto ho fetora sira ba edukasaun, treinamentu, siensia ho teknolojia, inkluidu promosaun kona-ba asesu hanesan ba feto sira ba emprego ho servisu desente, no mós hau participa iha eventu ida ho tema: Sustenta Partisipasaun Feto iha Instituisaun Post-Konflitu nian: Hametin Dame no Ultrapasa, esforsu ba oin atu hari'i Setor Seguransa Sensivel ba Jéneru iha Timor-Leste. Ida ne'e oportunidade ida ne'ebé di'ak atu fahe no aprende husi nasuan sira seluk iha mundu rai klaran ho meios ne'ebé la hanesan hodi atinje igualdade jéneru.

Realizasaun

Tinan liuba sai realmente tinan ida importante hanesan ita haré'e laos deit eleisaun ba Sra. Milena Pires hodi ba iha Komisaun CEDAW nian, maibé mós eleisaun Sra. Sofia Borges ba Diretoria Ekzekutivu iha establesimentu foun FETO UNO nian. Los duni katak sira nian realizasaun Iroi honra ida ne'ebé bo'ot iha fronte internacional ba ita nian nasaun ida ne'ebé ki'ik. Hau hetan honra ba iha Nova Yorke liu duke semana ida liuba iha lansamentu ofisiál FETO UNO nian husi Sekretário Geral ONU nian. Feto ONU nian mak hanesan ajensia foun ida jéneru nian, no Timor-Leste fó ona pasu ida suportivu kompromete atu kontribui ba Fundus FETO NASAUN ONU nian iha tinan 3 nia laran.

Alémde ida ne'e, realizasaun bo'ot ida mak adopta Lei kontra Violénsia Doméstika iha Junhu 2010. Esforsu barak mak mós continua iha ninia ezekusaun nune'e protesau jurídica, rekursu legais no estabelecimento de abrigos e serviços de apoio ba sobreviventes violénsia doméstika nian. Iha ona esforsu ida konsentradu atu Sosiáliza Lei ba membrus Governu nian, lideres komunitaria, sosiedade

sivil ho públiku ein geral. Ida ne'e sai espezial durante remata ativizmu loron 16 iha Dezembru tinan liuba kuandu SEPI hetan azuda husi Pontu Fokal Jéneru nian, halo sorumutu ho lideres komunitaria iha Baucau, Manatuto, Aileu, Ermera, Liquiçá e Díli.

Asaun ida signifíkatívu husi Governu kuandu adopta kompletamente kona-ba LADV sai atribuisaun especial de milaun 1,45 dolar amerikanu iha orsamentu 2011 nian bá implementasaun Lei nian. Montante hanesan ne'e sei fahe entre naran sira hanesan Ministério da Justiça, Ministério da Solidariedade Social, Ministério da Saúde no mós Unidade de Pessoas Vulneráveis husi Polícia Nacional nian. Ajensia sira hirak ne'e mak responsáveis hodi garantia sistema ho facilidades hotu-hotu bá kazu DV no mós vítima sira hodi hamriik no funciona ho di'ak.

No mós dignu de nota mak alokasaun ida de US \$ 500.000 dolares amerikanu bá Ministériu Agrikultura atu hodi uza bá formasaun feto sira nian iha área rural sira atu hadi'ak sira nian nutrisaun no mós bá sira nia família sira, hanesan mós atu aumenta produsaun ne'ebé orientadu bá merkadu atu aumenta arendamentu.

Ita mós hahú ona prosesu ida elaborasaun Planu Asaun Nacional ida kona-ba Violénsia Baseado bá Genereo no iha faze final halo konsultasaun bá politika ida Justísa Jéneru ne'ebé fó atensaun kona-ba redusaun Violénsia kontra feto ho labarik nian.

Preokupasaun

Maske ita iha ona pasus bo'ot iha ita nian oin, sei iha dezafú barak no problema sira ne'ebé presiza nafatin ita nia atensaun urjente.

Estatística hatudu katak aserka de um terço (38%) husi feto sofre ona violénsia fízika hahú husi tinan 15. Faktu interesante ida mak feto lubuk bo'ot ida mak sofre ona violénsia fízika mak mai husi área urbana sira. Hanesan estatística DHS realmente dehan katak liu duke metade ka sorin balu husi feto iha Distrito Díli, ne'ebé mak esensialmente husi area urbana, sira relata katak sofre violénsia fízika!

Aumenta bá faktu ida ne'ebé triste ne'e katak persentajen ida ne'ebé a'as teb-tebes husi ita nia feto sira (64%) hanoin katak OK bá mane ida atu baku feto ida wainhira sai bá liur sein mane hatene ka se nia la haré'e didi'ak oan sira! Estatiska seluk ne'ebé soke tebes mak katak mane 1 husi mane nain 6 hanoin katak permite atu usa forsa atu halo relasaun seksual ho sira nia fen karik nia la hatan atu halo relasaun seksual. Ida ne'e moe bo'ot tanto bá mane ho feto sira, no mós faktu ida katak Violénsia kontra feto iha konsekuensia ne'ebé sériu ka grave bá sira nian dezvoltamentu fíziku no sira nian bem-estar fíziku, inklui saúde reprodutiva no seksual.

Iha edukasaun, maske iha dezvoltamentu ka melhoria bo'ot ida husi situasaun iha 1999, taxa sai husi eskola ein geral mak motivu ida bá preokupasaun bo'ot. Husi grau 10, so 16% husi sira ne'ebé komesa ona grau 1 kontinua atu hakotu eskola sekundariu. No husi estudantes restante hirak ne'e, iha feto oituan liu duke mane sira. Problemas identifíkadu mak: asesu bá eskola sira, apoio husi parente sira, difikuldade finanseiru, facilidades, no Violénsia. Hau iha oportunidade ka biban ida ne'e atu foti hanesan kestaun ida ne'ebé sai preokupasaun bá ita hotu-hotu. Ne'e signifika katak liu duke 80% husi ita nian labarik sira la halo hotu sira nian eskola sekundariu. Ida ne'e signifika saida bá futuro ita nia nasaun nian?

Esperansa

Ita tenki rekoñese katak progresu lolos laos deit kona-ba modernidade deit ho iha osan barak liu hanesan ita hotu bele haré'e katak ida ne'e la garante seguransa feto nian, dignidade ka proteze harmonia família nian. Hanesan nasaun ida ita luta bá progresu ida saudável no igualitária, ita presiza halo esforsu maka'as laos deit bá bem-estar ekonômiku nian, maibé mós atu manten respeito bá direitu ho dignidade umána.

Hau demanda imi hotu-hotu atu familiariza imi nian an ho lei ida kontra Violénsia Doméstika no kompartilla bá imi nia família ho maluk sira. Espalha consciência ida ne'e katak forma violénsia saida deit kontra feto no labarik sira ne'e sala no sei destroe harmonia ita nia família ho comunidades sira, no retarda progresu bá ita nian nasaun.

Aproveita mós iha oportunidade ka biban ida ne'e atu tau hamutuk lideres sira hotu-hotu atu rekoñese kona-ba importância da abertura bá ita nian hanoin no sistemas atu nune'e feto sir abele hola ita nia fatin direitu nian; iha mane nia sorin hanesan parseiru ne'ebé hanesan iha esforsu hotu-hotu. Mai ita kontinua ita nian kompromissu atu halo Timor-Leste fatin ida ne'ebé ita sempre hakarak persevere asesu bá oportunidades protesaun ho igualdade nian, halo nasaun Timor-Leste ida seguru no justu.

Felisita Loron Internasionál Feto nian bá imi hotu-hotu!

Viva Buibere!

Viva Maubere!

Viva Feto Mundo tomak!

Obrigado.